

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u vezi sa članom 37. stav (1) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona”, broj: 25/24, 6/25 i 12/25), člana 9. Programa utroška sredstava Ministarstva za prostorno uređenje promet i komunikacije i zaštitu okoliš- Kantonalne direkcije za ceste, pozicija „Kapitalni transferi drugim nivoima vlasti-Izvor 10“ Budžeta Zeničko-dobojskog kantona za 2025. godinu broj: 02-11-6819/25 od 04.04.2025. godine, na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 98. sjednici, održanoj 22.09.2025. godine, d o n o s i

O D L U K U

o odobravanju sredstava za realizaciju kapitalnog projekta Grada Visoko iz oblasti cestovne infrastrukture Zeničko-dobojskog kantona za 2025. godinu

Član 1.

(Predmet)

Odobravaju se sredstva u ukupnom iznosu od 200.000,00 KM (slovima: dvijestotinehiljada konvertibilnih maraka) Gradu Visoko za realizaciju kapitalnog projekta iz oblasti cestovne infrastrukture – „Transfer za lokalnu cestu kroz industrijsku zonu Ozrakoviće, a koja predstavlja alternativnu dionicu regionalne ceste R445 Visoko-Podlugovi zbog zabrane prelaska teretnih vozila preko Betonskog mosta u Gradu Visoko“.

Član 2.

(Ugovor o prenosu sredstava)

Ovlašćuje se direktor Kantonalne direkcije za ceste u sastavu Ministarstva za prostorno uređenje, promet i komunikacije i zaštitu okoline a potpiše ugovor o prenosu sredstava sa Gradom Visoko, sa ciljem realizacije odobrenih sredstava iz člana 1. ove odluke.

Član 3.

(Realizacija projekta)

(1) Odobreni projekat Grad Visoko će realizovati u skladu sa zaključenim ugovorom o prenosu sredstava.

(2) Grad Visoko je odgovoran za dokumentaciju vezanu za nabavku radova i zakonitost provođenja postupka prema Zakonom o javnim nabavkama BiH („Službeni glasnik BiH“ broj: 39/14, 52/22 i 50/24).

(3) U slučaju da visina iznosa javne nabavke bude veća od odobrenog iznosa, Grad Visoko će preostali iznos finansirati iz vlastitih sredstava.

(4) U slučaju da visina nabavke bude manja od odobrenog iznosa, za preostali neutrošeni iznos Grad Visoko će izvršiti povrat sredstava na račun Zeničko-dobojskog kantona.

Član 4.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona”, broj: 25/24 i 12/25) sa razdjela 19, budžetska organizacija 03, potrošačka jedinica 0001 – Kantonalna direkcija za ceste, ekonomski kod 615100, pozicija „Kapitalni transferi drugim nivoima vlasti – Izvor 10”.

(2) Na osnovu ugovora o prenosu sredstava, odobrena sredstva će se transferisati na račun Grada Visoko.

Član 5.
(Provođenje Odluke)

Za provođenje ove Odluke zadužuju se Ministarstvo za prostorno uređenje, promet i komunikacije i zaštitu okoline – Kantonalna direkcija za ceste, Ministarstvo finansija i Grad Visoko, svako u okviru svoje nadležnosti.

Član 6.
(Izveštavanje)

(1) Grad Visoko je dužan izvestiti Ministarstvo za prostorno uređenje, promet i komunikacije i zaštitu okoline – Kantonalnu direkciju za ceste o namjenskom utrošku sredstava, dostavljanjem kompletne dokumentacije o izvršenim nabavkama i realizovanom projektu navedenim u članu 1. ove odluke (ugovori, privremene i konačne situacije, fakture i sl.) i dokazima o uplati sredstava dobavljačima.

(2) O utrošku sredstava Ministarstvo za prostorno uređenje, promet i komunikacije i zaštitu okoline - Kantonalna direkcija za ceste dužna je polugodišnje izveštavati Vladu Zeničko-dobojskog kantona.

(3) U slučaju da se utvrdi nenamjenski utrošak sredstava poduzet će se zakonom predviđene mjere.

Član 7.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-17365/25

Datum, 22.09.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje,
 promet i komunikacije i zaštitu okoline,
1x Kantonalna direkcija za ceste,
1x Ministarstvo finansija,
1x Grad Visoko, putem Ministarstva,
1x „Službene novine Zeničko-dobojskog kantona“,
1x a/a.